

499. C. hieraciboides. Plutar. Hung. L. 70; p. 270.

500. C. hispida, Plutar. Hung. L. 19.

Habitat in siccis graminosis et arvis Budae; sparsa etiam per Cott. Pesthiensem usque Kalocsam i ubi ad silvam reperta, per Com. Bácsensem e. c. ad canalem propè Verbász, copiosa versus Neoplantam; per Cott. Syrmensem e. ex ad Karlovic alibique, copiosissimum ad Vránik, per Banatum, Com. Békés, Bihar, et Honthensem, per Croatiam calidiorum.

501. C. ramosissima mihi.

Radix annua, ramosa. Caulis e basi ramosissimus, erectus, aut velut in plures divisus, patens, subsolitus, inferne setis raris adspersus; superne glaber: ramis tenuibus, subcato-angulatis glabris. Folia pinnatifida: laciinis apiceque lanceolatis, pilis brevibus rarisque adspersa ciliataque; rachi tamen hispidula, superiora basi tantum laciinato-subhastata, demum integerrima, lanceolato-linearia, glabrinacula. Pedunculi longiusculi (2-3-pollicares), angulati, glabri, aphylli. Calycis squamae exteriore triplo breviores, glabrae, interiores carinatae, carina setoso-hispida. Flores magnitudine hispidae; cui simillima, sed diversa caule e basi ramosissimo; foliorum forma, pedunculis calycibusque exterioribus glabris. E Syrmio misit Wolny. Eandem legi et delineari curavi ad Semilimum, ad Marány in Banatu.

502. C. hastata mihi.

Radix annua. Caulis per totam longitudinem setis raris adspersus. Folia lanceolata, rachique hispida. Pedunculi hispidi foliolis aliquot linearibus hispidis ubsiti. Calycis squamae cum exteriore cum interiores hispidae. Habitat in pratis humidis ad Poroszló.

503. C. tectorum, C. agrestis mihi, **C. lanceolata** mihi.

In aridis, arenosis, arvis, tectis valde varians, nonnumquam foliis integerrimis, lineari-lanceolatis;